

興安縣志 卷二十二

人物

名臣 忠義

宦業 孝友

理學

儒林

文苑

處士

千古之名臣即千古之名儒也讀聖賢書所學何事
出處進退要有不負生平者至忠孝二字尤人生根
本幸而運際昌明建業立功勝任愉快不幸時值多
難或盡瘁王國或潛隱山林俱得表見於其間如前
輩陳文正劉白石諸公尚已下逮寒士細氓懿行足
式君子亦樂道之誰謂風世之必判顯微哉

名臣

興安縣志

卷二十二 名臣

唐

鄭畋字文台宣宗戊辰進士拜鳳翔節度使黃巢逼長安
上走興元公謁道次請車駕留鳳翔黃巢僭號公嚙指血
書表遣使詣行在召將佐約鄰道合兵討賊天下得公機
爭發兵應之賊懼不敢復窺西京尋以公為司空同平章
事朝廷賴之文德二年致仁乾寧二年遷南源是為南源

鄭氏始祖云前志

宋

陳康伯字長卿弋陽人宣和三年中上舍內科累遷

正丁內艱貴溪盜將及鄉康伯起義丁逆擊俘其渠魁邑
得全建炎末通判衢州攝郡事盜發白馬原康伯督州兵
濟王師進討克之高宗駐蹕建康除樞密院大計議官累
遷司勳郎中康伯與秦檜太學有舊檜當國康伯在郎省
五年泊然無求始遷軍器監金使至詔康伯館伴以事論
罷知泉州垂十年起知漢州召對除吏部侍郎首請節用
寬民凡州縣取民無藝許監司互察臺諫彈劾尋兼禮戶
刑三部前此有司希檜意興大獄康伯平讞直寃士大夫
存沒多賴之除吏部尚書尋拜參知政事以通奉大夫
興安縣志

卷二十二

名臣

二

尚書右僕射同中書門下平章事明年三月拜尚書左
射五月金遣使賀天中節出媢言求淮漢地措取將相
臣且以淵聖凶問至康伯主禮部侍郎黃中之論持斬
三年先是葉義問賀虜中使還言金必敗盟康伯請早爲
之備金入廬州中外震駭朝臣有遣家豫避者康伯獨具
舟迎家人來浙人恃以安敵迫江上有勸上幸越趨閩者
康伯奏曰審爾則大事去矣於是降手詔親征會金帳下
變作一夕遁去孝宗卽位兼樞密使尋乞休致加少保封
信國公北兵再入淮甸人情驚駭咸望康伯復相上出手

札卽家居召之拜尙書左僕射進封魯國公康伯力疾就道兼程以進至闕下詔子安節壻文好謙掖以見減拜賜坐間日一會朝許肩輿至殿門非大事不畧敵師退尋以日疾免朝謁丐歸章屢上不許一日出殿門喘劇輿至第卒年六十九贈太師諡文恭慶元初配享孝宗廟庭改諡

文正

宋史

宦業

明

姜啟隆字仁厚號南山性剛方明永樂甲午舉於鄉乙未

興安縣志

卷二十二

宦業

三

成進士任行人司司正十八年丁父憂起服改除都察院陝西道監察御史宣德三年陞直隸知府六年五月丁母憂起服任湖廣寶慶知府正統元年考察原職致仕凡宦遊二十五年清正自勵執法不阿風裁特著洪熙元年詔旨有曰發聲賢科薦更任使典司憲紀克効勤勞其璽書

子孫猶世守之

補遺

姜忠字君誠號西溪昆季五人以孝友稱永樂丁酉舉於鄉初任北京永平府撫寧縣知縣後陞福建延平府同知爲政尙寬厚所至民懷其德惜年不永未展其所施焉

補遺

鄭雅字仲平以歲貢生調和鄉三簿之官以一僕自隨
與令長部使者爭不便面頸時時發赤繼判安節奏蠲逋
稅病革戒僕飭後具無受賄歸裝一敝篋朝祭服外家訓
十四條而已孫毅舉進士後有傳通志

李鏡字文明登成化己丑進士授刑部主事爲林莊敏
所器重黎文僖公知其賢薦知岳州府鋤梗植弱崇學博
惠築辰陵磯洩水墾田授民以居民深德之名曰李公堤
陞陝西參政民不忍舍去立生祠祀之未幾陞河南按察
司轉浙江布政使卒西淮李公銘其墓曰器度偉重厚倫

興安縣志

卷二十二

宦業

四

誼達事體才而不伐貴而能約守身奉法三十年猶一日

云據弋志增

蔣澗字子川由進士歷官兵曹出知福州府境內大治郡
有靈濟宮例遣中官歲時易衣靡費供億以萬計澗奏請
以有司行禮罷遣中官通志

陳紳字廷璋任臨安教諭正身率士轉黔江知縣單騎出
入而黔大治撫按交章薦之曰才學見稱於士人忠信可
行於蠻貊亦可想見其風格矣前志

鄭毅字立之宏治進士累官至四川巡撫擢兩淮總漕所

在政聲赫奕爲當時名宦著作甚富燬於火僅存巖山詩

集通志

李艾字子芳號靈巖嘗師事婁諒諒雅器之有讀殘蕭寺三更月踏破青山萬里雲之句宏治乙丑成進士選庶吉士授浙江道御史會上官岑某以罪逮獄厚賂諸權貴貫免艾廉得其情竟寘於法逆瑾怙勢率同列伏闕叩諫獲罪繼按獄粵中洗冤牘無算丁內艱歸結社於城西周公墩與士大夫賦詩其間擬上饒志增

汪雲字尙禮號遼川原任廣東河源縣監口渡巡檢司能

興安縣志

卷二十二

宦業

五

盡其職延師教子皆以古名臣之事勉之其後子淵成進士官至大理寺右丞雲以子貴封贈如其官補遺

張炎字玉輝生時父憂一人執笏立其側翼日炎生岐嶷不凡甫六歲誦詩數過輒記憶久不忘隨父任嘉禾見遺稅者爲乞寬父竒之旣長古學靡不究習從總戎征交趾軍中有掠子女獻者受而遣之凱旋御史季慶薦可用遂擢工部營繕主事陞屯田郎中屢奉命四方還奏稱旨米葉之操內外稱之南山有巨蟒爲文驅之遁去人以爲忠誠所感其後以薦超遷廣東參政威惠著稱擢兩廣都御

史以疾卒居官時人號為板張以其不肯隨俗云前志

汪淵字景顏號荆山正德庚午鄉試辛未進士官直隸大

名山東沂水知縣歷廣西道監察御史巡按直隸河南廣

西陞大理寺右丞以直忤當道棄官歸里然器識宏深性

姿端厚愛民存愷悌之心處已勵操持之志朝宁交推補遺

洪經嘉靖間知臨高縣廉明果斷多所興革民利賴之入

覲辭不復任臨民戀慕赴府呈請留任相率數百人補遺

上官所忌決意歸田去時民皆泣涕送之補遺

王嘉猷號四侗家貧苦讀年踰三十始於鄉初任補遺

興安縣志 卷二十二 宦業 六

雲學博三上公車不售任滿擢雷州海康知縣補遺

治知縣官聲藉甚後以親老解組閱月母卒補遺

失養天恨等篇相國賀逢聖序之服闋終身不復出補遺

周以敬字欽夫廿四都人品端學粹嘉靖壬戌進士補遺

至御史守正不阿素有直聲為上游所引重而士民亦敬

畏之補遺

姜奎林十五都人學問淹博才能肆應崇禎丁丑進士知

房山縣事恤士愛民著有賢聲是以實心行實政大異

於俗吏云補遺

國朝

李仲穎字儒貞卽艾之孫由恩貢歷官漢中知府先是穎任襄陽府丞官兵進勦山寇穎隨營給餉會師失利被執曉以大義賊皆感愧釋之進福州知府惠廉兼著士民有

三山頌言

據上饒志補

姜元春字伯昌康熙丙午科舉人初任湖廣歸州興山知縣時兵燹未靖哀鴻遍野安定還集計無不周農時則停徵民饑則請賑土滿則給荒田與近便之家報最之日父老欲挽留之不得總制董衛國餞於黃鶴樓見沿江上下

興安縣志

卷二十二

宦業

七

聖淚者數千人董撫而問之民曰寇盜擄掠姜公禦之在歲薦荒姜公養之向非姜公之仁政則室家難聚父子兄弟不親教之至育之深是以不忍違也董聞之亦爲淚下謂元春日今之大吏功不及乎一人如子之德被羣黎名昭天下使當世俗吏聞之亦足愧矣及爲工部屯田主政遇事敢爲先是工部凡有興作發庫帑者少派本衙執事者多自元春出差琉璃廠必不肯以工料之銀扣貼別項工人之困得甦後

陵工巖峻諸臣無所措手元春抗疏請發自後四司之興

作皆先估料沿例奏請官與吏世受其德故建祠工部署
左朔望祀之補遺

童登殿字對揚以歲貢任南安訓導家居以善誘聞負笈
相從者多知名士蒞南安戶外履滿自賦詩論文外無雜

賓也前志

周溶字克安號懋夫新城訓導甫到任卽以造就人才爲

事遇歲大比集邑中能文者課於堂定其殿最一時獲售

者多其後夫妻俱年九十而終訂雷志

周溥字曰天號葛川歲貢任萬載訓導布衣蔬食不殊寒

興安縣志 卷二十二 宦業 八

素教諸生以實行爲先和易近人久且與之俱化歸年八

十餘族鄰聚談終日靡倦訂雷志

王駿字聖從恩貢生城東隅人學有淵源從遊甚衆子弟

多所成就後爲上高教諭教士之勤亦如之病卒於任訂雷志

方士宏字克任瀘溪訓導爲諸生時合邑推重贊修縣志

及居官以身爲教不逞才華涵育薰陶人自得其益於訓

詞之外訂雷志

方如琮字素重袁州訓導持身嚴謹教士有法來謁者不

受贄且捐俸助膏火擇其貧苦者重給之病終扶襯歸送者泣下以百計前志

姜兆基字立績號輔齋七歲失怙家極貧喜讀書母以紡績資之後由明經授都昌司訓冷暑蕭然與諸生口講指畫無虛日士心翕然五載卒於任所補遺

項純禮字立重拔貢生任奉天廣寧知縣潔清自愛威惠並著公餘觀書手不釋卷政稱廉平不假鞭朴而民服前志

周堂字汝登號印渠歲貢生授新昌訓導性孝友敦善行有親姪以田租二百石求售重其價買之後姪貧益甚又

興安縣志

卷二十二

宦業

九

命子鎬悉還其田并不索價居官能以古道訓士肅然起人敬越後孫象鵬復任是邑教諭士心尤欣服之補遺

張光國字廷勳以歲貢授袁州訓導清操刻苦惟以扶植士氣爲汲汲講學論文泊如也年七十以母老致仕孺慕終身鄉里有困乏者推所餘以給之年八十卒前志

黃大勳字名臣幼貧甚年十六攻舉子業端方純樸不事華靡五十貢成均任峽江訓導師道自重士風丕振遇

恩賜封父母卽告休享上壽訂孔志

方之海字百川號淡人幼以穎異稱家極貧讀書不輟年

十八受知學憲林五十貢成均授永豐訓導嚴督課程砥
勵諸生任四載卽告歸卒之日年九十有三長孫以瑚司
訓彭澤講學課士有祖風惜不永年以疾終

周銑字重南號棟夫受業蔣藏園太史之門已而游學豫
章名益著以歲貢任南安教授其居家也以德化於鄉其
居官也以廉貞其守不受請託諸生有遭不白之冤者必
力爲雪之若王新齋劉登銘之事至今傳播人口南城吳
白庵時官大庾動以白眼加人獨敬禮銑嘗贈以詩云閒
居每道溪山樂課子常將筆硯親怪得文章風格老藏園
與安縣志

卷二十二

官業

十

門下舊門人

周鴻字大猷號景山由歲貢任臨江訓導學識宏通尤勤
於課士以造就人才爲己任諸生有穎異者輒召至談經
論事必鬯乃已多士愛而化之任二載尋致仕歸足跡不
履公庭課子若孫不墜家聲

儒林

元

劉養浩字體元聞黃勉齋先生講學於閩徒步往師之得居敬窮理之要歸而踐履益篤推所得以教其鄉學者稱之曰白石先生崇祀鄉賢前志

劉光字自謙由進士授翰林編修少承家學克養完遠一

時名士爭與之遊稱之曰泉山先生以祖養浩受學黃文

肅光因創白石書院祀朱文公而配以勉齋又置義田以

贍鄉子弟之來學者詔旌表其門前志

興安縣志

卷二十二

儒林

十一

明

張深字士淵為人操行端謹涉獵經史善吟咏渾厚有唐

人風尤善書法兼通四體好寫梅竹居家嚴禮法斥絕緇

羽之流兩膺薦辟皆不就自築精舍於荷峰之下以訓其

子弟凡郡邑有纂修之事必諮焉據弋志增

方璐字惟重品端學博邑士之賢達者多出其門授將樂

教諭門人御史周以敬贈以詩曰絳帳橫經憶昔年春風

桃李自爭妍祗緣牴牾齊門瑟莫訝荒涼鄭客瓊時人誦

之前志

文苑

明

歐陽札字仲文歲貢性恬淡文名藉甚子美中天啟間選貢廷試謁相國鄭以偉贈以詩曰歐陽青錢才百選品愈軼貢茶使偕來氣味都第一至今猶傳頌之前志

國朝

鄭大雅字秀子順治庚子舉於鄉三上公車不遇乃益發憤讀書肆力詩歌古文辭詩集八卷止存其二代古詩一

卷吉水尙書李振裕爲之序國初劉侯修縣志雅參互考

興安縣志

卷二十二

文苑

一

訂纂修之功居多補遺

李炳字大文號彭山以歲貢官贛州廣文學富才贍工於

詩律抵任與同寅湯大坊日相倡和大坊贈詩有云斗酒

百篇供奉句牙籤萬軸鄴侯編蓋實錄也接見諸生必獎

勵鼓舞之告歸時多士猶惓惓不忘云補遺

鄭人瑞孝廉大雅子也生平以詩爲性命足跡所至皆有

題咏遠近名下士與之遊咸稱道之所著有蟋蟀吟燕遊

草梅花四十絕楚遊一箋等集藏於家卷首有李振裕張

光豸序補遺

李一培字必佑號景亭雍正丙午舉人穎敏篤學於書無所不窺其爲文健筆冥搜思深徑曲戴篋圃侍御先任邑司諫見其遺文嘗謂不在周力堂下晚年寄意詩酒公車一上遂不復赴乾隆庚午截取知縣亦不就其高曠如此

補遺

王渡字紋若從父裕駿任上高教諭卒於官寒暑蕭條至不能奔喪渡千里扶柩以歸叔母缺養迎奉於家猶親母所居城市杜門不出家藏萬卷朝夕課誦士之遊其門者擔簞負笈相踵而至生平嚴道義辨取與風骨稜稜談論之下放浪形骸笑語甚狎稍有拂意卽達官貴介未嘗少挫守令並重之

前志

興安縣志

卷二十二

文苑

二

徐可久字微權歲貢生授南城訓導以年老不就任生平喜讀書鄉族子弟俊秀者必多方造就遇寒士舌耕無地者務設法措其館穀或自行飲食之不使之其或鄉黨有雀角事權力爲排解之年踰八十而終人咸以爲失却平彥方云

前志

李煒字廷光號仙根質魯志學年三十餘爲諸生數奇屢困場屋乾隆三十四年己丑應試年九十八矣次年庚寅

萬壽恩科教諭李殿邦以煒名聞諸兩院并贈資斧試舉
海大中丞特奏

欽賜舉人李殿邦更贈以裘帛俾公車北上次年已百歲
矣藩司李爲請

旌建坊有云歷三十六回閏月歌咏太平作七十六載諸
生遭逢特達試畢

召見

命內侍扶掖之無令跪拜

興安縣志

卷二十二

文苑

三

賜國子監司業抵任復

寵以詩詩云人瑞期頤儘有云春闈應試未曾聞三場竟
得全文字一命應教獎甚勤雅化育材欣壽世宏恩錫類
祝

慈雲端知欲笑胡安定年詡會昌最出羣

上賜御用表裏至今士林稱爲盛事

前志

鄭若錦字維舟號步巖戊子舉人磊落自喜文思甚敏伸
紙萬言若有神助主白石講席十餘載從遊益衆年六十
終於家

鄭樞字象北號斗垣歲貢生七歲就傅穎悟絕倫弱冠遊庠工舉子業乾隆庚午鄉闈呈薦不售家居課徒從遊甚衆教人以經史爲根柢經其經畫多所成就邑人士咸稱爲經師云

楊光朝郡增生字公佐號南園性至孝穎敏好學弱冠補弟子員七赴棘闈不遇耄而嗜學益篤諄諄以詩書孝弟教其家及其鄉里邑侯學博交重其德舉鄉飲介賓年八十四卒

毛克舉字遠翔號个園年二十補弟子員爲學寒暑不輟
興安縣志 卷二十二 文苑 四
生平博極羣書詩古文辭著作甚富志載有岑港堤路序一篇梅雪寺大水紀事七古一首

周瑛字漢玉號亘雲邑諸生好讀古人書凡廿一史及漑水通鑑紫陽綱目靡不貫串詩文則獨愛李杜韓曾四家少作梅花七律劇爲名流所賞古近體詩皆可傳著有鳳鳴軒草又輯歷朝詩粹並藏於家

楊仕紳字縉階號笏亭邑廩生家極貧讀書刻苦足不履戶外專以授徒爲事隨材多所成就有貧而慕學者不計束脯其品高行潔實士林中所罕覩也年六十二卒

歐陽文炳字象先歲貢生歐陽樂字仲宣以歲貢薦授無錫主簿陞廬州衛經歷辭不赴居家有長者風皆以醇謹

聞訂前志

歲貢生張榜方來泰方爲弼項大紳徐湘均有文名而行

尤篤謹士子多師事之

訂前志

廩生徐鼎吉方東白徐日輝項天貞歐陽維城項元映邑

庠姜震童士璋歐陽柱李德純皆廉隅自飭以好學聞前

志

李應清字巨文性穎異弱冠遊庠棘闈屢薦不售文名甚

興安縣志

卷二十二

文苑

五

著邑人士多出其門

興安縣志

處士

明

歐陽顯幼補弟子員頗有文譽以母老罷試惟釣遊詩酒是娛有三子教以儒業各有成立前志

徐珍嘗負笈從婁一齋遊不樂仕進隱居披雲書舍時人稱曰竹軒先生前志

汪文琥少與吳康齋講學康齋書懶拙二字贈之因以為號正統間太守以賢良薦辭不赴尙書孫原貞贊其像曰

興安縣志

卷二十二

處士

六

學博而精行篤而貞敷教鄉校後進名成夫何懶弗干祿拙弗謀利思樂道安義為榮期無忝於先世之儒名前志

方士衍字淑蕃性耽吟咏養高林泉嘗吟雪有心期怕誤梅花約神骨羞同柳絮飛之句其生平自命可見矣訂孔志

方質字養材號梅村明經不仕性愛梅所居環植之人問以時事未嘗一答有咏梅詩百二十韻與至朗誦聲聞戶外羣笑為狂弗顧也訂孔志

國朝

周金字位西兄第四人金居幼好讀書不事聲華食餼於

庠試輒冠軍後諸兄次第歿父母存金朝夕奉養遂無意
科名晚舉明經亦不赴選築家塾於金山巔下鑿一池額
曰洗心池傍一峰名鼓閣樓金以爲號云

忠義

明

馬成麟江西督標前營千總

楊國龍江西督標前營把總

高虎江西督標中營把總

曾龍廣信營把總

按四人行事前志俱不載要皆盡忠王事其雄心毅魄至今如生雍正元年邑建祠崇祀

周可貴萬曆時人性仁厚好施與時知縣劉與周詹兩學

興安縣志

卷二十二

忠義

八

博增置課士田命子文煥捐助田租八十石事見課士田記歲款又嘗出貲貸貧莫能償者輒焚其券并施棺瘞枯時有義士之目祀忠孝義祠訂孔志

國朝

童應科城西人年少喪妻終身不娶萬曆十七年按臺旌匾并獎其行誼省郡邑志皆列義夫祀忠孝義祠

明

姜仁祥永樂間捐穀三百石賑饑周晉受正德七年賑穀六百石吳敬徐禧俱賑穀六百石賜冠帶立石前志以下義行

葉馨弋陽生員才識明敏值密民屢不靖率眾訴之上臺
暨伏闕陳情請建縣辛苦備嘗得請而縣建頑良並安馨
之力也其同時有耆民何毓秀瞿富葉昇王庸與馨共事
又有張萬琦葉清陳信俱與有勞云

訂孔志

徐彪吳恩海嘉靖初建縣時二人慨然捐銀倡首邑令陳
公慶雲度地築城馨鼓弗勝蓋有由來矣

訂孔志

汪龜字壽官號圓峯仗義樂施如大嶺楓香嶺何家嶺之
路過江橋吳村橋皆出貲助之隆慶元年六月大水害稼
間里多餓殍捐粟以救之其後兩舉鄉飲

補遺

興安縣志

卷二十一

義行

九

國朝

汪伯安性雅馴不慕浮華好施予嘗建亭官道旁植柳以
憇行旅進士姜文通記其事

前志

方來泰方爲鵬胡文特俱邑諸生性慷慨能緩急人子孫
並以讀書世其家

前志

藍純字連臣素以好學聞鄰有負逋鬻妻者解囊贈之又
乾隆十六年邑大饑捐米六十九石平糶穀三百二十五

石事聞巡撫鄂給匾褒獎

訂孔志

王文富家鄰晚港橋其橋久圯獨捐白金五百兩爲倡遠

近助之而橋遂成

訂孔志

嚴茂榮當邑築東城有已塘當其衝願填塞以助之

訂孔志

毛士元字殿章家頗殷實慷慨樂施縣北龍泉庵敗壞捐穀五百二十石助之汪公文麟嘉其事舉鄉飲寺僧塑汪公及士元像於佛殿後

訂孔志

劉起鳳字羽儀監生乾隆戊辰倡族興復白石書院以繼先志縣令秦錫珩嘉其行義通詳上憲給匾旌獎制府黃檄將實行刊刻申明亭詞曰篤志育才殫心義舉倡修書院輪奐重新廣植寒儒弦歌不輟特彰善事用樹風聲

前志

興安縣志

卷二十二

義行

十

徐學虔字德清黃泥坂人宅後枕山踞高坂環爲墻有狗盜者緣砌上幾及戶傭人覺之猛呼盜遽墮折其右股腦且裂學虔聞聲起命傭扶盜入室出金創藥敷裂處明日厚給盜米肉使徑去且囑曰爾亦人子樵犢亦可爲何乃出此盜自是改轍學虔卒送葬數十里哭失聲

前志

周坦字蕙階號若谷貢生性孝友兼善醫術有疾病求治必匍匐救之如壬申鄉試有同寓生患痢衆嫌其腥穢坦獨爲診視凡烹調扶掖之類皆身任之屆期衆勸入場笑曰功名之得失數耳我入場病者其誰賴乎卒不赴病痊

始揭以歸又里中有黃姓陳姓之妻及邱姓姑媳俱因貧
欠議別嫁坦代償其逋且周邱之家室得以完聚舉鄉飲

正賓前志

王興傳字文明性淡薄勇於爲善常省節以濟人急修橋
葺亭置渡及救荒諸義舉皆力行之數十年不倦前志

徐開來字繼遠乾隆戊寅高橋圯捐五百餘金修之庚辰
督修城工復捐一百餘金至今名勒於石

張有餘字宇文樂善好施康熙間建造茅村水口石橋涼
亭邑侯張公景載嘉其行爲捐俸助成之又施田租三十

興安縣志

卷二十二

義行

十一

六石入萬壽寺

滕浩若滕國鸞俱太學生好義樂施如河鎮大航渡浩捐
田十五畝鸞亦捐十五畝

張楫字濟川邑庠生性好義捐穀三百餘石修建晚港橋
於河鎮大航渡造船協濟捐田二十餘畝

貢生汪天錫好施與歲暮嘗給絮襖以周鄰里荒年每減
價平糶村中萬壽宮捐田倡建楊港橋更獨力修之

李應泰字尙文國學生世居霞陽其地爲葛溪大河所經
乾隆庚子泰捐貲造木板橋長約十六丈有奇固以鐵鑲

越三年復勸族出錢買田而修理有備又去村三里有石
山臨大河名豐陂排沿河路低水漲輒溢乾隆乙卯泰鳩
衆鑿山成路長二里許年餘告竣往來便焉

劉周侯三十一都岱山村人也偶憇近村亭中拾得一藍
色布包內有白銀一百餘兩因坐以待自午及申其人始
回倉惶失措劉詢其包色銀數不爽盡數還之

梁正宣字子聖捐崇聖祠忠孝祠并學署地基徐興旺亦
捐明倫堂地基并路出入毛鳴詩捐助關帝廟殿基并門
基

興安縣志

卷二十二

義行

十一

陳天覆監生偕弟州同天眷家居極友愛眷之子增貢生
名學謨仗義好施同村某貧極僅佃人田八畝業戶將起
耕另售無以爲生計惟出妻以償債乃重價買其田給之
種數年又被回祿築室居之他如倡捐重貲修建青板橋
遇歲荒減價平糶以及設茶亭施棺木俱實心行之
黃天瑞字孫德好義施大航渡捐田五畝晚港橋捐錢五
十千又捐修村溪兩橋戴學師以德協興評獎之
藍時駿事寡母倪以孝聞生子六訓迪有方皆隸學宮命
子顯秀等建立宗祠創興義學其篤行如此

童可大字宏儒邑庠生才幹有爲如太守陳世增創建紫陽書院邑建文廟明倫堂文昌閣省漕倉及修城樓諸義舉皆肩任之得當城外岑港橋圯傾囊倡助太守爲之記王步雲職監生好義施如邑建天后宮助貲四百千文又文廟考棚皆勦助之不稍吝年八十九終

陳良謨字首民國學生好義施每遇歲歉減價平糶親族有貧乏者常施與之無難色邑有善舉必力爲之

周文承李年豐貢生張繼梁儒士余岐周精岐黃術贈藥以濟貧人童邦俊張兆鸞每逢歲歉減價平糶貢生方鳳興安縣志

卷二十一
義行
十三

岐邑庠李煜李禧遇族親困乏者輒推解之姜爾發樂修橋梁路亭徐登鵬贈金待師張鼎鏗修復漕倉洪俊賢拾金還人凡此事實不一要皆好行其德云

練曰錫庠生年三十喪妻義不再娶好讀書霜辰月夕怡然吟咏以終張義奎年未二十喪偶終身不復娶享年九十王伸事親至孝奉養無違年二十娶妻劉氏未及三載妻歿遺孤纔十月誓不再娶子名坦早歲遊庠

三人皆義夫

方小修宋時人樂善好施妻徐氏九娘捨寶信寺鐘今存

孚惠廟

按府志未入傳附識於此

孝友

明

汪仲庸學問淹通事母以孝聞永樂間為金華教授赴京
上詩乞移就養詩曰八十慈親六十兒白頭相對忍相違
身遊京國三千里心在庭幃十二時紅日瞻依心戀戀白
雲凝望思遲遲得全就祿移供養沒齒懷恩詎敢遺上憐
之改上饒訓導戊子辛酉典福建鄉試前志

嚴師教字景魯庠生母管氏年八十三景魯行年六十二
孺慕如嬰兒丙戌土兵蹂境舉邑奔避景魯以母髦不能

興安縣志

卷二十二

孝友

十四

去兵至欲害其母景魯願以身代前志其孝釋之子母俱
無恙邑呼為老孝子前志

徐洪同知珪父也家貧棄儒業醫多所全活撫異母弟錢
帛一所無私年八十有七執親之喪猶以哀毀聞前志

李惟吉性孝友父疾篤割股肉作糜療之果愈祖母葉氏
目盲吉斷肉食者三年朝暮請禱不置前志

陳榮知縣紳父也任典史以繼母老乞歸侍養孝敬醇篤
家居匾額存仁二字即以為號學師劉定之御史婁謙俱

有詩文志之

前志

鄭文偉字相潤少敦敏知醫父歿奉母一十七載母卒衣棺喪事毫不以累兄弟已買山厝母躊躇者十年有形家年七十忽至喜甚乃告兄若姪詣山閱視得吉兆而形家尋卒偉曰若爲吾母死吾敢不竭吾誠厚其飾終之禮而歸殯於其家子大雅庚子領鄉薦

前志

歐陽誌正德七年姚源賊掠其兄誌出金贖以歸翟德夏母病嘗糞割股按院旌曰孝子之門

前志

國朝

張炳字虎文族兄正六家貧欲出其妻以償債炳盡捐已

興安縣志

卷二十二

孝友

五

財貸之不復責償

前志

楊永譽字雍伯邑培生性至孝父病腸癰醫者謂臟腑已

壞不肯治譽嘗糞知無害服藥果痊李長茂邑庠生亦以

割股療父病學使于給匾旌之方坤邑廩生割股二次父

病果愈坤逾年而卒

前志

練曰銓字衡文自幼失恃事繼母會委曲承歡撫弟曰錫

內外無間言太學生張選字偉士少孤事嫡母鄭亦以孝

聞

前志

毛士鵬字九萬廩生與弟仕鶴屢戰棘闈不遇在家寢食

必俱鶴先卒鵬撫猶子同巳子瀕卒遺命與弟同穴無得
以妻前志

王家樹字汝弼弟早逝撫孤姪如子割田產以贍之教督
嚴切歐陽欽字孟聖幼孤且貧與兄同居兄歿欽悉以產
歸姪人咸稱之前志

毛鳴鹿字嘉賓號整堂拔貢生少失怙遵母教與弟同居
四十餘年如一日婚教諸姪如巳子性剛介足不履公庭
恤災救患有古人風前志

毛鳴岡字尙賓邑庠生幼失怙事兄如父出入必稟命兄
與安縣志

卷二十二

孝友

六

老命柝爨跪請泣曰弟自幼失怙兄撫至今忽命柝爨當
有過耶願受責兄爲垂涕慰之而止

童有恒字鼎赤性孝友繼母尹善病躬視湯藥夜不成寐
其父應龍始居弋陽及遷與安概以田屋委其弟後兄弟
互爭有恆力爲勸止訟遂息年踰百歲載祥瑞條

張華桂字天培號蟾客歲貢生幼失怙事繼母磨敬順無
違得其歡心時諸弟均幼遵父遺命躬嚴課讀間有不馴
者必善誘掖之用能並列膠庠母卒析產悉聽諸弟姪自
擇有推肥取瘠之風至今人無間言

洪廷觀字鑑侯號螺泉邑庠生少孤有兄五人父在時已立柝產書後諸兄業蕩推所餘以給之導引諸姪俱克有成歲暮隣有貧窶者施與之不少吝晚舉鄉飲

瞿宗梧字鳳騰少失怙事母以孝聞子八人長承兄後名道明歲貢有學行里推長者學使潘額曰貽穀傳經

張若淇字繼明國學幼孤事母至孝課諸弟每夜漏下數刻必親送茶果勗之隣有紛爭事得一言無弗解

姜棟字帝眷邑諸生有堂兄帝臣貧不能娶棟日吾責安可使伯父無後乃竭力資助之

興安縣志

卷二十二

孝友

十七

吳國承增生父歿母老僅一姪病篤母憂甚承每夜禱所姪病果愈邑有祠廟橋渡諸義舉身任之不告勞

王之梅增生兄弟四人惟讀書力田爲業五世同居家政秩然不聞詬詈聲皆梅一人經理之善閭里交稱之

方儲修字道宏邑庠生性友愛恤孤憫寡族黨賴之

姜思相少孤事母克孝待諸昆亦以友愛聞

蔣梅壽性誠篤以樵爲業父歿事母至孝母享年九十餘

按前志載李一乾鄭登魁童可成張琳王勳臣張燿張
龔練起鸞起鳳起鵬皆以孝友聞附識於末